



UNIVERSITÄTS-  
BIBLIOTHEK  
PADERBORN

**Claudii Fleurii Abbatis Historia Ecclesiastica**

Ad annum Christi 1563

**Fleury, Claude**

**August. Vind. [u.a.], 1771**

**VD18 90118618**

§. 12. Pontificis Monita ad Regem Hispaniæ, hujusque responsum.

---

[urn:nbn:de:hbz:466:1-66653](#)

spectatorem ageret, nisi se multis fasti. **Sæcul. XVI.**  
 diis exponere vellet: de cetero autem **A.C. 1563.**  
 Cardinalis Mantuanus sua ex parte fe-  
 dulo se exploraturum spondebat, quo  
 inclinarent controversiae a Patribus agi-  
 tatæ circa institutionem, ac residen-  
 tiam Episcoporum, & quodnam demum  
 suscipietur consilium de Cæsareis, Gal-  
 licisque postulatis. His monitis cessit  
 Pontifex, ac deinceps Romæ substituit.

### §. XII.

#### *Pontificis Monita ad Regem Hispaniæ, hujusque responsum.*

Sub idem tempus Pius IV. Philippo II. **Pallav. n. 5.**  
**& 6.** Hispaniæ Regi significari jussit, quod  
 de pluribus Regni ejus Præfulibus, qui  
 Synodo assisterent, justam querendi  
 caussam haberet, eoquod hi hæreses  
 eliminare, Ecclesiæ fidem stabilire, ac  
 morum emendationem urgere adeo non  
 sint solliciti, ut potius plures nullius  
 frugis, imo & noxias excitare contro-  
 versias intenti forent, atque inde non  
 nisi somitem contentionis inter Patres,  
 & schismatis scintillas in Christiana Re-  
 publica suscitarent, nec non Cæsareis  
 se junxissent, ut suam factionem ma-  
 gis potentem redderent.

His postea addidit, quod ad sedan-  
 dos hosce tumultus necessarium foret,  
 ut Rex Oratorem ad Synodum ablega-  
 ret,

Sæcul. XVI ret, qui piam Regis sui voluntatem  
A.C. 1563. Hispanis Præfulibus declararet, ejus-  
que auctoritate munitus illos eo indu-  
ceret, quatenus Principis sui consiliis  
& ipsi morem gererent. Hæc Sedis  
Apostolicæ Nuntii Pontificis nomine ad  
Philippum Regem perscribebant: Rex  
vero acceptis hisce literis rem edoctus,  
Nuntiis significabat, quod tanquam  
Oratorem suum ad Synodum decretu-  
rus esset Lunensem Comitem, atque  
hic unicum Castellio, qui Lunensi a  
secretis esset, jamjam discessisset. Por-  
ro hic idem Castellius per Gallias tran-  
fire, ac cum Carolo IX. & Regina ejus  
Matre conferre jubebatur de mediis,  
quibus concordia in Concilio restaurari,  
Sedisque Apostolicæ dignitas conser-  
vari posset.

Pariter Philippus Rex per nuntium  
speciatim ablegatum Lunensi Comiti,  
ut iter suum Tridentum versus accele-  
raret, injunxit, eique mandata trans-  
misit, quæ Nuntiis communicaret: cum  
ergo Pius IV. Hispaniæ Regem singu-  
lari erga Religionem studio flagrare cer-  
neret, mox ipsus etiam datis ad Lu-  
nensem Comitem literis eundem, ut  
adventum suum maturaret, rogabat, si-  
mulque ei exponebat, sibi pergratum  
accidisse, quod ipse tanquam Orator ad  
Synodum a Philippo II. electus fuisset.

Hanc



Hanc epistolam Legati a Papa receperant, eamque Comiti Augustæ, ubi adhuc hærebat, per Scipionem Lancelotum Synodi Advocatum tradi jusserrunt, qui eidem Pontificis desiderium de ejus adventu exponeret, simulque eum, ut iter suum acceleraret, rogans illi Cæsareorum, ac Gallorum postulata communicaret, ut de illis certior fieret: nec minori sollicitudine Pontifex Lotharingii Cardinalis benevolentiam sibi conciliare, eumque suis studiis penitus addictum reddere satagebat.

Sæcul. XVI.  
A.C. 1563.

Hic idem Cardinalis anno priori Bertonum, quem ab epistolis habuit, Romam alegabat, ut apud Pontificem quereretur, cum ejus fama absque caussa laederetur, falsoque insimularetur, quod in omni sua agendi ratione nullam sinceritatem, ac candorem præseferret. Ad hæc reposuit Pontifex: „compertum nobis est, quanta ex antiquo tempore effet Romæ licentia loquendi, obloquendique de omnibus, etiam de ipso Principe, cui tamen potentia deest illius refrœnandæ, hinc salubre, atque unicum contra maledicos istos rumores est remedium, ut Lotharingius Cardinalis, quo deterius alii blaterant, eo melius agat, ac tanto majori utatur prudentia, quanto liberius alios ad calumnias effundi cerneret,

„de

Sæcul XVI.

A.C. 1563.

„de reliquo certus fit, quod nos illam  
 „de eo opinionem habeamus, quam  
 „eius merita, & sapientia deposcerent,  
 „adeo, ut eidem satis sit, si *malignum*  
 „*sperneret vulgus*, ac negligeret oblocu-  
 „torum convitia: unice autem navet  
 „operam tam communi Ecclesiæ bono,  
 „quam proprio Galliæ commodo, nam  
 „utrumque a nobis promotum iri spon-  
 „demus, quantum in viribus nostris  
 „est, prout fusius jam Episcopo Viter-  
 „bieni manifestavimus.„

## §. XIII.

*Legati cum Lotharingio Cardinale  
 juncta opera agere jussi.*

Pallav. c. 12. n. 8. & 9. Sub idem tempus Pontifex Legatis  
 hæc significari voluit: variis ex lo-  
 cis nobis nuntiatur, quod Lotharingii  
 Cardinalis exigua ratio habeatur, at-  
 que idem se vilipendi, imo & instar  
 inimici haberí queratur, quamobrem  
 præcipio, ut cum eo omnia Synodi ne-  
 gotia conferantur, nihilque eo infcio  
 decidatur.

## §. XIV.

*Acrius responsum Legatorum hoc  
 mandatum indignantium.*

Legati hoc mandatum ægre ferentes  
 summo Pontifici hæc rescripserunt:  
 „Haud parum miramur, a Sanctitate  
 vestra